

蓋平縣志

中國方志叢書。東北地方。第十 號

據

民國。石秀峯修，王郁雲纂
民國十九年 鉛印 本

影印

遼寧省

蓋平縣志

(二)

成文出版社有限公司印行

中華民國六十三年

月臺一版

蓋平縣志

全二冊

發行人：黃

成

助

出版者：成文出版社有限公司

台北市郵政信箱二二六〇五號

台北市郵政信箱二二六〇五號

台北市羅斯福路三段240巷5號

電話：三 四 〇 一 三 二 號

印刷者：成文出版社有限公司


內政部登記證 內版台業字第一一四七號



蓋 平 縣 政 府 縣 長

祥 民 辛 廣 瑞

藍平縣城略圖



人物志卷九

人物

天下何地而無才何時而無才凡生一世大有爲之人必生一世大有造於家國天下之人才以輔之一時衡人品者仰見濟濟跼跼景象相與瞻望咨嗟而嘆昔何多才蓋鍾毓秀靈去古未遠得天獨厚其磅礴鬱積之氣已涵濡醞釀於無形而非也五百年必有名世者人才蔚起本無古今厚薄之分武鄉景略豈獨見諸漢符秦耶若中國幅員之廣甲於五洲其間奇才異能懷貞抱璞之士必不乏人入山惟恐不深入林惟恐不密恒抱道以自重即令名流延攬顧慮情殷猶恐未能起而相助而欲祿位縻之文章試之詎可得乎吾邑山川蟠結雖殊嶽降崧生而林泉隴畝之中安知不大有人在達則功可銘之鐘鼎光昭來茲窮則與木石居與鹿豕游冥冥蛰伏於鄉井升沈顯晦之不同分隔雲泥亦人生有幸有不幸耳語云英雄造時勢此擔當宇宙所以有待於一世偉人也下此者或著一節以延譽或執一藝以成名兩間正氣並鍾於女子者流人參天地而立極器重

公輔有裨蒼生殊令吾深長思之矣

鄉宦

吾邑山水接長白遼瀋匯歸之秀文武異材不無蔚起乎其中金遼及前清以來豐鎬接壤戡亂輔世之才往往觀感興起時有其人焉蒐羅史乘聞之父老爰撫其實而出之

高彪 始生其父陸格因術者言不利於己欲不舉賴母爲營護數歲竟逐之匿於外家遼人調兵東京時陸格已老當從軍慨然曰吾兒若在當勝兵矣公因見父代其行戰於珠赫店所向皆披靡軍師見之曰此勇士也令生致之從韓魯慶立戰功天會五年授靖江節度使復屢破宋軍勇健絕倫能日行三百里身被重鎧行險如飛臨敵身先士卒未嘗反顧大小數十戰率以少擊衆無不捷歷官樞密副使封舒國公卒諡桓壯公性機巧通音律人無貴賤皆溫顏下之

王政 當遼末葉高永昌據遼東知其才欲用之不就永昌敗渤海人爭縛之以爲功政遂巡引退吳王棟摩聞而異之言於太祖授廬州渤海軍從破白碯下燕都皆有功

及伐宋留政爲安撫使釋繫囚發倉廩遠近降服尋除同知金勝軍節度時軍旅事定而筦庫未立吏得夤緣爲奸政獨明會計嚴局鑰出納無錙銖之失吳王曰官久而不加富何也政曰政以楊震四知自守安得富王笑曰前言戲之耳以黃金乘馬賜之天眷元年仕至保靜軍節度使致仕卒子遵仁遵義遵古皆知名克紹先業

劉仲尹 金正隆二年登第後以瀛州節度副使召爲都水監丞能折節讀書其詩詞樂府俱極蘊藉墨梅詩尤爲人傳誦著有龍山集行世

宋 浦 一名幹勒忠歷金兵部樞密院尚書省令史轉大理寺知法遷右三部司政練達邊事大定中爲監察御史章宗時累官武寧軍節度使性敦懇通法律習女直契丹字以直自守不交權貴時譽歸之

鈕祜祿額特埒 即粘割幹特刺金大定七年授吏部主事遷河南路統軍使因與宋交涉稱職遷刑部尚書參知政事世宗委提控代州阜通監進尚書右丞兼樞密副使爲上宗留守還朝拜平章政事封芮國公在相位十餘年卒諡成肅

王庭筠 字子端父遵古官至翰林直學士公生未期年視書識十七字泊七歲學詩添郡王修一見期爲國士登大定十六年進士調恩州軍事判官臨政有治績金明昌元年詔試館制中選因論事罷官卜居彰德讀書黃華山寺三年詔爲應奉翰林文字與秘書郎張汝方品第法書名畫嗣遷修撰太和元年扈從秋山應制賦詩三十餘首上甚嘉之明年卒詔有司賻喪事求其平生詩文藏之秘閣公儀觀秀偉外若簡貴人初不敢與接近既見和氣溢於外但有可取輒極口稱道所荐引者皆一時名士世以知人許之工詩尤長書法善學米芾兼精山水墨竹著有叢辨十卷文集四十卷子曼慶字禧伯亦能詩工書仕至行省右侍郎自號澹游云

烏庫哩仲溫 金大定二十五年進士累官上京東京等路按察司事改提舉肇州漕運金貞祐初爲鎮西軍節度使時中都被圍遂至太原移書安撫使約以鄉兵馳救不能進抵平陽公嘗治平陽吏民爭留之公曰平陽巨鎮易爲守禦於始計得矣如嵐州何遂還鎮已而元兵大至城破不屈死諡忠毅詔歲時致祭

完顏閭山 金明昌二年進士累官沁南軍節度使入爲工部尙書定興中因伐宋參議諸軍改知平涼府屢有軍功詔爲吏部尙書時選戶部官率舉桑孔之術以應詔閭山曰民勞亟矣復用此輩將何以堪識者賸之

溫特赫達 又曰溫迪罕達字子達性敦厚寡言笑初舉進士廷試搜閱官易達藐小謂之曰汝欲求作官耶達曰取人我才不以年藐衆異之金明昌五年中第遷監察御史轉太常少卿攝侍御史上書言遼東興王之地當專守以繫一方之心又言宰相繫天下輕重不宜權攝俄充陝州行樞密院參議官仕終戶部尙書

完顏觜 本名達希布積功加平南邊江將軍金貞祐間屢立戰功元光末累官山東西路兵馬都提管充宣差招撫使生平喜讀書每引儒士雅歌投壺以爲常所辟士皆立方面功治東平愛民省費軍民帖然有古良將風

幹勒合打 以蔭補官調陰山尉縣當兵衝公身先行陣貞祐初以功遷本縣令旋充刺史累官同知太原府事彰德節度使權河東北路宣撫副使及金安節度使興定元年

復爲勸農使歷知河間府權知御史都監行元帥府事又同簽樞密院事屢守邊要未嘗敗元光元年卒

龐鑄 字才卿少擢第仕有政聲宋南渡後爲翰林待制遷戶部侍郎尋緣事倅東平改京兆路轉運使卒公博學能文工詩造語奇艱不凡世多傳之

王明之 元代累官翰林學士追封太原郡公

溫迪罕完 元至元元年知趙州州境當子午要途差役繁劇公從容辦集民不爲擾采地八百畝值歲旱公惻然不忍民飢胥蠲其租甚德之

陳鑑 明正統戊辰進士賜一甲二名及第官翰林學士使朝鮮有皇華集行世後官國子監祭酒升禮部尙書

高潤 明正統乙丑科登進士第後官至刑部郎中

羅鐵 原籍山左仕明爲遼東指揮使遂遷於邑城東暖泉村子一名春隱居未仕孫仁英字傑菴屯田錦州授驍騎校順治五年陞佐領年老致仕子二長文瑜字輝山順

治乙未科進士出爲山東曹邑令三載轉陞蜀之達州越二年遷山東濟南府知府旋改調福建鹽運司方一載又荐擢至兩淮鹽運使後罷歸次文現由中書令出爲分巡南汝道孫輩數人亦有出仕郡守牧令者要皆克紹家世羅進梅羅振東現充全省警務處秘書皆其嫡系族裔也

李彥明 官明通議大夫邑西南團山子有墓在焉

蘭 英 蓋州軍人也調廣寧明成化九年隨廣寧總兵歐信追賊至小黑山境外賊衆攻圍甚急信馬中箭死公以馬讓信信乃出險公遂遇害李副使作詞以哀之巡撫作碑表其義正德丙子給事中傅錦題稱九邊死陣士伍以微賤不得錄宜查覈顯著者優恤一二以宣慰忠魂遼東撫按上其事移繁祭焉

李世相 明萬歷間舉人官至山海通判頗有政聲

王元會 知隕西縣明崇禎十二年張獻忠掠湖廣諸郡縣夜襲隕西城破爲賊所殺清乾隆四十一年諭節愍

張祺 明崇禎壬午科及進士第官遷安知縣

吳良能 明崇禎十五年知膝縣時流賊屠集圍城多方捍禦久之城破拜辭其母單騎

犯陣死亦烈矣哉

滕應元 明遼東武舉隨翰林院官朝鮮天啟間降清屢立戰功後於欒州陣亡以任

承霄襲騎都尉世職霄字雲衢性梗直尚義好文順治初年曾任邑防守禦見職官志妻金

氏子五女四長天成次天綬任湖廣襄陽縣士紳譽爲羊起平解組時與製去思碑見本志碑文二天御四天霖五天憲次女適金州王姓見列女邑

文廟前有滕公忠義祠在焉霄卒天成襲二等阿達哈哈番隨征浙閩陣亡封資政大

夫入忠義祠子兆枚襲曾任守尉見職官志枚卒子文煥襲職煥死明基襲職明基卒其弟明增

襲職增卒次子運鈞襲職兼蓋州廂黃旗防禦章京運均故次子福倫布襲職倫布沒

德茂襲職光緒十六年清廷詔中有曰欽承往制甄進賢能特設文武勳階以彰激勸

受茲任者必忠以立身仁以撫衆智以察微防奸禦侮機無暇時能此則榮及前人福

延後嗣而家永康滕德茂休致將滕明增三世孫滕德謙仍襲騎都尉世襲罔替兼蓋

州廂黃旗章京云云其簪纓數世垂裕後昆雖非顯貴大族洵可稱吾邑世家焉

林天擎 清順治二年知山西蒲州府時寇亂頻仍境土初闢公招流亡寬夫役省刑罰

薄稅賦安插兵民俱有幹略州人頌之卒祀山西名宦祠

張國英 順治二年武進士官山西扁關營參將順治六年以病乞休未卸任會姜瓖亂

作公率兵勦賊陣亡世襲恩騎尉

許可用 順治四年爲山西延平道滅賊渠劉遷州城卒獲安全代人立祠祀之

張必科 恩貢生順治四年知直隸慶雲縣甫兩月宿弊盡除會巨寇猝集勦衆戰且守

公矢無虛發忽弦斷手傷曰命也猶當得一死所提戈下城至署舉火自焚事平贈僉

事

王來觀 明崇禎間官河南汾守道清初歷山西霍州知州順治六年姜瓖叛公嚴修戰

備日夜防守城破巷戰死事聞襲恩騎尉

佟國仕 順治初武舉歷官山西井坪路參將會姜瓖兵犯境公堵勦之遇伏戰沒賜恩

騎尉世職

項天城 順治辛卯選學舉人官趙州學正

李芳春 隸正黃旗漢軍順治五年知直隸慶雲縣邑當破殘之餘公年少賊甚易之公乃與協鎮郭天培等秘謀勦捕前後擒賊黨二千餘人訓練鄉民皆知守禦賊相率不敢入境

扈什爾壯達 隨清太祖有功世襲雲騎尉

張岳祖 邑庠生任山西臨榆縣知縣順治五年冬姜瓖率賊圍縣城晝夜攻擊城將破公登城仗大義罵賊城陷遇害世襲雲騎尉

卞將軍 清初屢立戰績封鎮國將軍邑東南松屯有公之墓碑巍然尙存

閻將軍 清初戰功卓著封懷遠將軍邑東南閻家閘子山西侯家溝口有公花園樓址

及墓前牌坊在焉

上刻懷遠將軍閻公之墓八字

耿仲明 世居蓋牟

見藝文志蓋牟耿寺碑記

明崇禎初年與孔有德同爲皮島總兵毛文龍之裨將及